



ILLUSTRISSIMI,
REVERENDI. SPECTABILES,
NOBILES, AC ERUDITI
DOMINI DOMINI
NEO-BACCALAUREI.

 *Uam nihil hominibus certum sit, nostro minus quidem expectato, probato tamen exemplo didicimus. Cogitabamus enim verò nos diu multumque pro nostro in Vos & officio, & studio etiam singulari, ut primam Philosophiæ Lauream capeissentibus Vobis munere aliquo scholastico faveremus, quod Vestra non minus, quam Reipublicæ interesset. Sed enim malè nobis studia, & cogitationes, & spes prope omnes verterunt. Cum enim opus jam isthoc pro instituto scribere aggressi fuissetus fortunâ incidit nobis Paupertina, & curta admodum Apollinis nostri suppellex, quæ cum angustior esset, quam quantum ad impressionem suscepti operis satis esset, ceptum destitimus, & ab instituto negotio vel invitati abivimus. Itaque nobis de spe certa, & meliori deturbatis, relinquebatur tamen spes quædam incerta, quam Viri cujusdam in paucis eruditi, illustris;*

A 2

stris, & magno (quod ajunt) theatro spectata in rem
literariam munificentia excitabat. Hac igitur spe
recreati, cœpimus de integro curas nostras colligere,
& cogitationem omnem, curâque in Amicitia Ar-
tem conscribendam advertimus, eâque in tres li-
bros divisam Honoribus Vestris in præsens dedica-
mus. Accipite debitum gloriæ Vestræ vectigal,
quod si minus eruditos animos Vestros delectare; do-
cere certè quidem potest, quo pacto intimam melioris
cujusque familiaritatem devinciatis, devinctam co-
latis, & conservetis, cultam, si usus ferat, subinde
etiam dimittatis. Minus quidem scitè, quàm pro
gloria Vestra hoc opus exegimus, fortuna tamen est,
quod Vobis opus tam rude inscribere contigerit, ex
quorum glorioso capite in nostros etiam pedes nonni-
hil lucis redundare potest. Valete de cætero DD. Neo-
Baccalaurei & hoc nostrum quale quale in Vos studi-
um æqui bonique consulite. Nos etiam debinc nibilo-
minus gloriæ Vestræ studiosi degemus

Honoribus Vestris

Addictissimi

POETÆ CLAUDIOPOLITANI.